



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-3-40-272-5/21**

Datum: **22.07.2021. godina**

«Agencija za vodno područje rijeke Save» Sarajevo rješavajući po zahtjevu Investitora „PGL-PROTECT” d.o.o., Lukavac za izdavanje vodne dozvole za aktivnost ispuštanja tehnoloških otpadnih voda sa lokacije proizvodno-uslužnog objekta, Bistarac, općina Lukavac na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99), **donosi**

RJEŠENJE

1. Odbija se zahtjev Investitora „PGL-PROTECT” d.o.o., Lukavac za izdavanje vodne dozvole za aktivnost ispuštanja tehnoloških otpadnih voda sa lokacije proizvodno-uslužnog objekta izgrađenog na zemljištu označnom kao k.č. broj: 2366 K.O. Bistarac, općina Lukavac s obzirom da nema aktivnosti za koju je propisana obaveza pribavljanja vodnih akata od strane ove Agencije.

Obrazloženje

Investitor „PGL PROTECT” d.o.o., Lukavac se obratio ovoj Agenciji zahtjevom bez broja dana 17.06.2021. godine za izdavanje vodne dozvole za aktivnost ispuštanja tehnoloških otpadnih voda sa lokacije proizvodno-uslužnog objekta izgrađenog na zemljištu označnom kao k.č. broj: 2366 K.O. Bistarac, općina Lukavac.

U provedenom postupku dostavljena je i pregledana sljedeća dokumentacija:

- Ovjereni kopiji Aktuelnog izvoda iz sudskog registra izdat od Općinskog suda u Tuzli;
- Ovjereni kopiji Rješenja o izmjenama podatka broj: 032-0-Reg—14-001890 od 05.12.2014. godine izdat od Općinskog suda u Tuzli;
- Ovjereni kopiji Uvjerjenja o poreznoj registraciji donesenog od strane Porezne uprave – Kantonalni ured Tuzla, 19.06.2008.godine;
- Kopija uvjerenja o registraciji obveznika poreza na dodanu vrijednost u Jedinstveni registar obveznika indirektnih poreza donesenog od strane Uprave za indirektno-neizravno oporezivanje Banja Luka broj: 04/1-17-54-382-9/08 od 18.07.2008.godine;
- Kopija Rješenja o urbanističkoj saglasnosti broj: 02/6-03/1-23-2-2157/03 od 30.06.2005. godine izdato od Službe za urbanizam, prostorno planiranje, geodetske i imovinsko pravne poslove, općina Lukavac;
- Kopija rješenja za građenje broj: 05/1-23-1-947/06 od 07.11.2006. godine izdato od Službe za urbanizam, prostorno planiranje, geodetske i imovinsko pravne poslove, općina Lukavac;
- Kopija rješenja o upotrebnoj dozvoli broj: 05/1-23-3-269/08 od 26.02.2008. godine izdato od Službe za urbanizam, prostorno planiranje, geodetske i imovinsko pravne poslove, općina Lukavac;
- Kopija rješenja o vodoprivrednoj saglasnosti broj: 04/1-10-25-893/06 od 17.07.2006. godine izdato od Ministarstva poljoprivrede, šumarstva i vodoprivrede, Tuzlanski kanton;
- Kopija rješenja o vodnoj dozvoli broj: 04/1-13-25-36550/16 izdato od Ministarstva poljoprivrede, šumarstva i vodoprivrede Tuzlanskog kantona;
- Dokaz o uplaćenju administrativnoj upravnoj pristojbi.
- Glavni projekat za izvodjenje, urađen od strane Arhitektonski studio "Vivendi".

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19 i 41/20) dana 16.07.2021. godine

izvršen je pregled predmetne lokacije, o čemu je sačinjen Zapisnik o uviđaju broj: UP-I/25-3-40-272-2/21. Na osnovu izvršenog uviđaja donijet je Zaključak o visini i roku za plaćanje posebnih troškova broj: UP-I/25-3-40-272-3/21 od 16.07.2021. godine. Utvrđeni iznos investitor je uplatio i dostavio dokaz o uplati.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

- Poslovni objekat je namjenjen za proizvodnju, protektiranje, prodaju, servis i vulkaniziranje guma.
- Proizvodno-uslužni objekat izgrađen je na zemljištu označnom kao k.č. broj: 2366 K.O. Bistarac, općina Lukavac.
- Tehnološki proces proizvodnje protektiranih guma se sastoji od slijedećih faza: prihvrat rabljenih guma, sortiranje i pregled rabljenih guma, brušenje guma, ugradnja gazećeg profila, vulkanizacija, skladištenje i prodaja guma
- U samom postupku rada neće nastajati tehnološke otpadne vode iz procesa rada a kako je to utvrđeno odredbama člana 3. stav (1). tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav (1). tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. (stav) 1 Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Remić Dž., dipl.iur.

Po ovlaštenju
Rukovodilac sektora za zđavanje vodnih akata

Haris Ališehović, dipl.inž.građ.

Dostaviti:

- „PGL-PROTECT“ d.o.o.
Ul. Magistralni put bb, Bistarac, općina Lukavac
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava